

Quellenwerk zur Entstehung der Schweizerischen Eidgenossenschaft, 9.Nr. 5

In dei nomine. Nos fratres Hartman et Prunolf donamus ad Lucernense monasterium, quod est constructum in honore sancti Leodegarii martyris, totum conquestum nostrum pro remedio animae nostrae monachis ibidem deo servientibus, videlicet totam sylvam, quae vocatur Emmuwalt, in longitudine et in latitudine, quae ad nos pertinet, ut firmiter teneant atque possideant sine ullius contradictione, usque ad Langenouva. Si quis istam donationem infringere voluerit, anathematizatus sit a deo et sanctis eius et dupliciter ad supradictum locum restituat. Actum anno incarnationis domini nostri x. regnante gloriosissimo rege Ludewico sub abbate Rechone et coram optimatibus loci huius.